

գործը յատուկ ժամանակաւոր միջ-վարչական կոմիտէներէ միջոցով, որ կազմակերպու են Պարենաւորման, խնամատարութեան ու ներքին Գործոց Մինիստրութիւններէ, Կօօպերատիւններէ Միութեան և Հայոց Գիւղատնտեսական Ընկերութեան ներկայացուցիչներէց:

3) Թոյլ տալ Մինիստրներէ Խորհրդին հրատարակել կանոններ ազգաբնակչութեանը սերմացուի համար անտուկոս դրամական փոխառութիւն տալու և սերմացուով ու ինվէնտարով ազգաբնակչութեանը վերադարձ օգնութիւն ցոյց տալու վերաբերեալ:

4) Ժամանակաւոր կոմիտէներէ շտապներէ ծախքը հոգալ սերմացուի համար բացած վարկի գումարէց:

(Հաստ. մարտ 29-ին 1919թ.)

Հ Ա Յ Ա Ս Տ Ա Ն Ի Խ Ո Ր Հ Ր Դ Ա Ր Ա Ն Ի

ՀԱՍՏԱՏԱՆԾ ՕՐԵՆՔՆԵՐԸ 1919թ. օգ.—1920թ. նոյեմբ.

Հայաստանի խորհրդարանի—Պարլամենտ—օրէնսդրական աշխատանքը եղել է բաւական ընդարձակ ու բազմակողմանի: Նրա ընդունած օրէնքներն ու որոշումները տալում էին խորհրդարանի հրատարակած «Օրէնքների Հաւաքածու»-ի մէջ, որը 1919թ. նոյեմբերից սկսած, լոյս էր տեսնում պարբերաբար:

1919թ. օգոստ. 1-ից մինչև 1920թ. մայիս 5, երբ խորհրդարանը արձակուրդ ստացաւ և այլևս օրէնսդրական աշխատանք չկատարեց, քննել ու հաստատել են բազմաթիւ օրէնքներ ու որոշումներ: Դժբախտաբար, մենք հնարաւորութիւն չունենք տալու ամբողջական վիճակագրական տեղեկութիւններ, բայց հետևեալ ք-ւերն իսկ բաւական են ցոյց տալու համար, թէ որքան ուժեղ էր խորհրդարանի գործունէութեան քափը՝ համեմատած խորհրդի հետ. 1919թ. օգոստ. 1-ից մինչև նոյն տարւայ դեկտեմբ. 31-ը խորհրդարանը հաստատել է 117 օրէնք ու որոշում, 1920թ. յունւ. 1-ից մինչև նոյն տարւայ ապր. 26-ը՝ 85 — ընդամենը 202 օրէնք և որոշում: Նոյն ժամանակամիջոցում խորհրդարանում լսել են բազմաթիւ յայտարարութիւններ կառավարական և խորհրդարանական յանձնաժողովների կողմից: Մասնաւորապէս լայն տեղ է տրւել գաւառներն ուղարկւած խորհրդարանական քննիչ յանձնաժողովների գեկուցումներին, որոնք, մի տեսակ, երկրի ուսումնասիրութեան բնոյթ են կրել:

Պէտք է արձանագրել նաև, որ ընդունւած օրէնքների և որոշումների խոշոր մասը վերաբերում է նախկին օրէնքների փոփոխութեան ու լրացման և նախահաշիւների քննութեան ու հաստատման:

Առաջ ենք բերում Հայաստանի խորհրդարանի հաստատած կարեւոր օրէնքների մի մասը, առանց սպառած լինելու ամբողջ օրէնսդրական նիւթը:

1. Օրէնք Հայաստանի Հանրապետութեան մայրաքաղաքում Ազգագրական — Մարդաբանական Թանգարան-Գրադարան հիմնելու մասին. — 1) Հայաստանի Հանրապետութեան Մայրաքաղաքում հիմնւում է Ազգագրական-Մարդաբանական Թանգարան-Գրադարան:

2) Ազգագրական-Մարդաբանական Թանգարան-Գրադարանին է յանձնւում, իբրև պետական սեփականութիւն, «Հայոց Ազգագրական Ընկերութեան» շարժական և անշարժ ամբողջ գոյքը, համաձայն նրա ընդհանուր ժողովի որոշման: